



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Ioannis Baptistæ. Carmen Dicolon Tetrastrophon. XXXVII.

urn:nbn:de:hbz:466:1-44973

Effecit vacuum fastibus & dolo,
Contemnensque sui pectus, & ignea
Semper docta, superno
Consentire fides Patri.

Agnoscent vtero quem foueas tuo,
Testanturque nouis vocibus omnia,
Valles, flumina, siluæ,
Quocunque extuleris pedem.

Quia ipse officij muneribus tui
Gratus lætitiâ personuit piam
Aluo quem gero foetus,
Et mentem cumulat mihi.

PIETATIS CONCORDIA.

Gaudia, diuitiasque Dei communia multis
Esse cupit, quisquis numinis instar habet.

FEMINAR. SANCTISSIMAE P.

In tabulam Ioannis Baptistæ.

Carmen Diclon Tetraastrophon. XXXVII.

Astrum nascitur insito
Fulgens lumine, quem Deus
Solis paciferi indicem
Terris præstitit almus.

Hunc in montibus arduis
Exsanguis in senio parens,
Mirandis puerum & modis,
Mirando edidit ortu.

Salutis ferat ut nouæ
Læto tempore nuntium,
Et testis bona gratiæ
Magnæ sæcula monstret.

Vos quæ diligitis Deum
Matres, vos quoque virgines
Infanti properè nouo
Laudum nectite ferta.

Nec componite mollius,
Quamuis membra tenerrima,
Assuescat, finite, aspero
Iam nunc vita labori.

AVRO

HVMANAE SALVTIS
AVRORA DIEI NVNTIA.

Dona Deus quanto soleat splendore parare,
Si quisquam obseruet tempora, testis erit.
DEO PROSPECTORI SAC.

In tabellam Natalis Iesu.

Natura humana nania. XXXVIII.

Virgineo splendens infans vt prodiit aluo,
Atque illa sa dedit templa pudicitiae:
Quae iam vteri intacti stupuit NATVRA tumore.
Nunc pauet insolitum laeta puerperium.
Atque nouum mirata genus, variis quoque gaudens,
Blandidulos fertur concinuisse modos.
Excellis mea iura puer, quod gigneris, aut quod
Nasceris; at meus es quod puer & tener es.
Ergo me superas, sine me qui nasceris infans.
Quod si me superas, es puer ergo Deus.
O puer & certè Deus, o mihi iungeris, vt te
Partibus excipiam, muneribusque meis.
O Deus, & verè puer, o tibi iungor, vt aucta
Amplius ipsa tuo numine perficiar.
Accipies ex me curam puer, atque labores,
Mortis onus (tibi sic quod placet) accipies.
A te ego, sed pacem Deus, accipiámque salutem,
Et posse aeternae rumpere vincla necis.

SOL IUSTITIAE EXORIENS.

In tenebris fulgens lumen, diuináque dona
Simplicitas cernit: non videt ambitio.

HVMANAE SORTIS SVSCEPTORI
DEO HOMINI S.

In tabulam circumcisi Iesu.

Ode Tricolos Tetrastrophos. XXXIX.

Qvis te, sancte puer, flere doloribus
Maturis docuit? scilicet aethere
Descendisse iuuabat,
Vt discas gemitus nouos?

Sed